

SCRIPT OF MORNING GOJRI NEWS BULLETIN 8SEP 1015 HRS

مارننگ گو جری نیوز بلیٹن مورخہ 8 ستمبر 2025

یوہ آکا شوانی جموں ہے محبوب سلطانہ تیں خبر سُنو۔

LG SOIL SURVEY

لیفٹیننٹ گورنر منوج سنہا نے سائنس گاشعبہ توں تعلق رکھن آلا ور زور پایو ہے جے وے ہمالیائی خطہ واسطے نیوز ٹیکنالوجی کی مدد سنگ مٹی گاسنسرز تیار کرن بارے پتو کرے تانجے زمین کھسکن گاشعبہ توں نمژن واسطے اک ابتدائی وارننگ گونظام تیار کیو جاسکے ایل جی موصوف نے اس گل غو اظہار کشمیر یونیورسٹی مانہہ نیو ٹیکنالوجی ور بین العقوامی کانفرنس گاشعبہ تیں افتتاحی تقریب سنگ خطاب گے دوران کیو۔ اُن گو مزید کہنو تھو جے مٹی گایہ سیرز زمین مانہہ نمی غی سطح ور نظر رکھن آلا جدید نظام گو حصو بن سکے گاتے مستقبل مانہہ بھارت گاہمالیائی خطہ مانہہ قدرتی آفات گانقصان نانہہ روکن مانہہ حالات بدلن والا نوا حل غا طور ور ثابت وے گا۔

Dy CM VISIT

نائیب وزیر اعلیٰ سریندر کمار چودھری نے جموں تے راجوری ضلعان غا سیلاب متاثرہ علاقان گو دورو کرگے حالیہ بارشاش توں ہوا نقصان گو جائیزو لیو ہے اُنہاں نے جموں ضلع گارہ سیال کوٹ تے برگوال جد کہ راجوری ضلع گاسندر بنی علاقہ گو دورو لایو ہے راہ سیل کوٹ علاقہ مانہہ جناب سریندر چودھری نے اک سیلاب ریلیف کیمپ گو معائنو کیو تے پوری سرکاری مددگی یقین دہانی وی کرائی اُنہاں نے برگوال اندرینٹن پُل گو وی معائنو کیو۔ تے اس ناہہ تاولے پورو کرن ور زور پایو اپنا دورہ غے دوران اُنہاں نے متاثرہ خاندانان سنگ ملاقاتی تے جاری ریلیف گو جائیزو لیو اس تیں علاوہ نائیب وزیر اعلیٰ نے راجوری گاکانگری علاقہ گو دورو کرگے خاندانان سنگ ہمدردی گو اظہار کیو جہرا حالیہ زمین کھسکن توں فوت ہو گیا تھا اُنہاں نے سوگوار خاندانانہہ وزیر اعلیٰ ریلیف فنڈ توں 4 لکھ روپیہ مالی مدد وی فراہم کی تے متاثرہ خاندانانہہ سرکار کی طرفوں پوری مددگی یقین دہانی کروائی۔

IMCT TEAM

مرکزی حکومت کی طرفوں تعینات کی گئی بین وزارتی مرکزی ٹیم نے بڈگام گو دورو لاگے حالیہ بارشاش سیلاب بدل پٹھن تے زمین کھسکن توں ہوا نقصان گو جائیزو لیو ہے اس ٹیم کی سربراہی کرنل کے پی سنگھ کر رہا تھا جس مانہہ آپریشن تے رابطہ گاجوائینٹ سیکرٹری صلاحکار تیں علاوہ قدرتی آفات نال نمژن واسطے قومی ٹیم دیہی ترقی محکمہ جل شکتی بجلی تے دوجی وزارت گافسرا وی موجود تھا۔ اس ٹیم کی طرفوں ڈپٹی کمشنر بڈگام بلاک محی الدین بھٹ سنگ بشمول علاقان بی کے پورا بیمنہ بارے وی گل بات کی گئی اس دوران بچاؤ کاروائیاں تانچہ گانقصان تے مستقبل کی روک تھام گامنصوباں ور وی غور کیو گیو اس ٹیم نے متاثرہ جگہاں گو دورو لاگے مقامی لوکان سنگ گل بات کی تے اُنہاں نانہہ یقین دہانی کروائی جے مرکز نانہہ تاولے رپوٹ جمع کروائی جے گی تانجے ضروری مدد مل سکے۔

TRAIN SERVICE

شمالی ریلوے نے آج توں شری ماتا ویشنو دیوی کٹڑا توں سنگل دان بشکار 5 تہاڑاں واسطے خصوصی ریل خدمات شروع کی ہے تانجے ریاسی تے رام بن مانہہ حالیہ اچانک سیلاب توں پھسیا واں مسافراں نانہہ سہولیت حاصل ہو سکے اس سلسلہ مانہہ ٹرین نمبر 0468 کٹڑا توں سویرے 8 بجے 40 منٹ ور روانہ ہوئی جہڑی 10 بجے سنگلدان پُج گئی جد کہ واپسی گئی ٹرین 04686 دو بجے 15 منٹ ور روانہ وے غی یاترین ریاسی بکل ڈگہ تے سوال کوٹ مانہہ وی توڑی دیر واسطے کھلے گی اونگا جموں کٹڑا ریل خدمات رام نگر غے کولے پسی پین گی وجہ توں بند رکھی گئی ہے۔

HIGHWAY

جموں سرینگر قومی شاہراہ نانہہ گڈیاں گی آبیو جائی واسطے بند رکھیو گیو ہے کیونجے جکھینی ادھمپور توں بالی نلہ بشکار پسی پین گی وجہ توں ادھمپور کشتواڑ ٹوڈہ رامبن تے کشمیر گا ضلعان اندر ضروری اشیاء گی فراہمی بُری طرح متاثر ہوئی ہے اس ضمن مانہہ حزب اختلاف گا رہنما سنیل شرما نے قومی شاہراہ ور بحالی گا کم کاج غو جائیزو لین خاطر تھارڈ گو دورو کیو۔

PROG ANN

علاقائی خبراں آلا شعبہ آکاشوانی جموں غی طرفوں معاشی بدلاؤ گے زریعہ ترقی گی رفتار نانہہ بدھان ور اک خصوصی گل بات گو پروگرام پیش کیو جے گو۔ یوہ پروگرام سیوا سیتھا 2025 گی تقریب گا سلسلہ مانہہ 10 ستمبر یعنی بدھار آلا تہاڑے دوپہر 12 بجے 30 منٹاں ور نشر کیو جے غو اس پروگرام مانہہ مہارا مہمان جموں یونیورسٹی گا معاشی یعنی اینامکس گ اشعبہ توں تعلق رکھن آلا پروفیسر دیپنکر سینی گپتا وے گا جد کہ پروگرام گی میزبانی جگموہن شرما تے کنال شریوٹس کریں گا اس ضمن مانہہ اس طرح غی مزید نشریات واسطے میڈیم ویو 303 میٹر یعنی 990 کلو ہٹر تے ایف ایم 100 عشاریہ 3 ور آکاشوانی جموں سنگ جڑیا ریں۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہڑا ضلع جموں گا بسنیک ویں تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود

آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ

ور دستیاب ہے۔ www.newsonair.gov.in